

光緒吉林通志

吉林通志卷二十一

輿地志九 山川四 水道表下

鴨綠江之水第二

鴨綠江入海

二十一道溝 以下二十一道皆入鴨綠江

二十道溝

十九道溝

十八道溝

十七道溝

十六道溝

十五道溝

十四道溝

十三道溝

十二道溝

十一道溝

十道溝

九道溝

八道溝

七道溝

六道溝

五道溝

四道溝

三道溝

二道溝

頭道溝

鴨綠江西過帽兒山入奉天通化縣界

赫爾蘇之水第三

赫爾蘇河入大遼河

大孤山河 以下五水皆入赫爾蘇河

楊樹河

小孤山河

張家溝河

黃米溝河

赫爾蘇河北出赫爾蘇邊門入奉天奉化縣界

瞻河 入大遼河

葉赫河 入遼河

老虎洞溝

以下二水入葉赫河

艾家溝河

瞻河來自海龍廳經伊通州境出威遠堡門入
奉天開原縣界西入遼河

圖們江之水第四

圖們江入海

紅土河

以下五水皆入江

長山嶺河

大箕溝河

外七道溝河

紅溪河

外馬鹿溝河

以下二水入紅溪河

石人溝河

外六道溝河

以下五水皆入江

枇杷溝河

外五道溝河

石洞溝河

外四道溝河

太平溝河

以下五水入四道溝河

樺樹條子河

小外四道溝河

鹹廠溝河

榆樹條子河

金沙溝河

以下八水皆入江

杉松背河

達呼哩溝河

石門溝河

馬平嶺河

始建坪河

大花尖山河

十三道嘎雅河

薩奇庫河

入嘎雅河

三道河

以下六水皆入薩奇庫河

牛圈溝河

石頭河

駱駝碛子河

阿穆達河

小嘎雅河

大荒溝河

以下二水入嘎雅河

苦水河

瑚珠河

入苦水河

大旺清河

入嘎雅河

小旺清河

以下五水皆入大旺清河

尖山河

長嶺子河

大柳樹河

小柳樹河

牡丹川河

入嘎雅河

羴羊碯子河

以下三水皆入牡丹州河

哈瑪塘河

摩天嶺河

白茱溝河

以下四水皆入嘎雅河

廟嶺河

窟窿山河

金沙溝河

五人班河

以下四水皆入金沙溝河

大坎河

小二道嶺河

新房子河

鬧枝溝河

以下二水皆入嘎雅河

佈爾哈通河

北頭道溝河

以下十二水皆入佈爾哈通河

頭道溝河

北二道溝河

二道溝河

謙廠溝河

糧米臺河

廟兒溝河

小廟兒溝河

柳樹河

胡仙洞河

錫林河

太平溝河

朝陽河

以下三水皆入太平溝河

小苦水河

延吉河

海蘭海

入佈爾哈通河

三道溝河

以下十一水皆入海蘭河

二道溝河

頭道溝河

四道溝河

五道溝河

六道溝河

七道溝河

小七道溝河

大碓子山河

墩臺溝河

八道河

依蘭溝河 以下二水皆入佈爾哈通河

葦子溝河

大通河 入江

和尚嶺河 以下三水皆入大通河

半截河

泮子溝河

涼水泉河

下四水皆入江

乾河

太平溝河

密瞻河

大黃泥河

以下八水皆入密瞻河

檳榔溝河

梨樹溝河

拐磨手溝河

東岡河

騾圈溝河

小砥搭河

乾密瞻河

老河身河

以下三水皆入江

陰陽河

琿春河

香房溝河

以下三十五水皆入琿春河

小圖們河

灣溝河

台馬溝河

黑瞎背河

大圖們河

六道溝河

大六道溝河

太平川河

開枝溝河

梨樹溝河

冰林河

四方頂子河

五道溝河

大五道溝河

杉松溝河

秀松溝河

榆樹河

四道溝河

小柳樹河

大柳樹河

錫伯河

西開枝溝河

胡盧畢拉

三道溝河

外郎溝河

二道溝河

沙金溝河

荒溝河

頭道溝河

大紅旗屯河

駱駝河

車大人溝河

小二道河

大二道河

龍背田河

板石溝河

火龍溝嶺河 以下三水皆入江

蓮花泡河

圈兒河

大凡圖們江受有名之水一百四十有三南入
於海

混同江口以南以北入海之永第五

英額牡丹河

英安河

珠倫河

橫道河

入珠倫河

佛多石河

巖杵河

伊力河

吉新河

舒爾霍薩河

阿吉密河

額吉密河

圖拉穆河

西吉密河

薩瑪河

蒙古河

斐雅河

以下二水皆入蒙古河

納爾琿河

小馬鞍山水

大馬鞍山水

昂邦畢拉

即大河也

以上二十水皆於圖們江口以東南流入海

大綏芬河

協領河

入大綏芬河

烏拉草甸子河

以下三河皆入協領河

羊草河

倭林喀河

綏芬甸子河

入倭林喀河

小綏芬河

入協領河

塞珠倫河

以下四水皆入大綏芬河

大泡子河

萬鹿溝河

瑚佈圖河

老河身河

以下五水皆入瑚佈圖河

石頭河

亮家川河

廟兒嶺河

鹹廠溝河

佛爺溝河

入大綏芬河

錫伯溝河

以下五水皆入佛爺溝河

協枝溝河

索龍溝河

大度川河

狼洞溝河

小瑚佈圖河

入大綏芬河

鵲枝溝河

入小瑚圖河

外八道河

以下四水皆入大綏芬河

內河

琿達河

七道溝河

劉致河

以下二水皆入七道溝河

古

舒圖河

哈河

以下五水皆入大綏芬河

四道溝溝

三道溝河

二道溝河

頭道溝河

以上四十四水皆大綏芬河所受於圖們江

口以東南流入海

黃泥河

小青溝河

大青溝河

馬蠟河

佛拉河

錫拉河

錫林河

都爾呼河

烏濟密河

雅蘭河

以上皆南流入海之水

喜祿河

瑚葉克河

額富金河

塔爾芬河

額穆里河

勒富勒河

烏爾欽河

錫拉河

入烏爾欽河

岳塞河

額勒河

濟勒河

都爾河

瑚葉克河

奇魯河

僧庫勒河

克默勒河

額齊題河

尼葉里河

提揚謨河

克喀穆特河

察哈瑪河

底齊密河

尼滿河

都圖佈河

以上皆混同江口以南東流入海之水

甯爾河

古第河

圖瑚魯河

鄂古河

吉特河

瑪呢噶河

阿拉河

索倫河

以上皆混同江口以北東北流入海之水

底拉河

烏底河

以上兩河爲昔時甌脫之地

庫葉島之水第六

博和弼河

杭愛河

題巴努河

溫特呼河

楚察馨河

楚拉河

特肯河

益對河

以上八水皆於庫葉島內西流入海

阿當吉河

齊都齊河

塔他瑪河

果多和河

努哩伊河

達希河

薩依河

弼勒圖河

額爾雅河

以上九水皆於庫葉島內東流入海

吉林通志卷二十二

輿地志十 山川五 水道上

松花江之水第一

長白山在吉林東南去府城六百餘里高二百餘里其巔有潭曰闕門周二十九里有奇松花江出其北

松花江卽混同江也本名松阿哩烏拉魏曰速末水

魏書勿吉傳國有大唐曰粟末新唐書靺鞨傳粟末水闊三里曰速末水

遼曰鴨子河改曰混同江遼史地理志長春州韶陽軍本鴨子河春獵之地聖

宗太平四年改鴨混同之名始見於此金元及明皆

曰宋瓦金史地理志上京路有宋瓦元一統志混同江俗呼宋瓦江明一統志混同江舊名粟末

河俗呼宋瓦江明宣德時始有松花江之名明史宣宗本紀宣德八年造船

於松花江前此洪武時呼曰松花河見馮勝傳蓋猶未有江名一統志於混同江外別出松花江蓋誤分

爲二辨見後粟末宋瓦速末松花聲轉字通實皆一水混

同則水之一名非有兩江而自古以來稱號多殊源

流復舛重紕地謬特爲疏通而證明之契丹國志曰

混同江古之粟末河黑水也大金國志曰長白山黑

水發源於此舊名粟末河契丹改名混同江松漠紀

聞曰黑水掬之微黑契丹目爲混同江是皆以黑水

爲混同江也而金史世紀直云混同江亦號黑龍江

考黑龍江出喀爾喀北界東南流與混同江會混同

江自長白山北流折而東與黑龍江會截然兩源似不應認爲一水原其致誤蓋亦有由考唐書室韋傳室韋水東流與那河忽汗河合又東經南黑水靺鞨之北北黑水靺鞨之南云云那河今之嫩江也忽汗河今之瑚爾哈河也松花江於伯都訥境受嫩江又東流於三姓北受瑚爾哈河又東北流於黑河口與黑龍江會唐書所云南北靺鞨皆在今混同江南北之地而當時被以黑水之名蓋由互受通稱而葉隆禮諸人遂誤以下游交會之名施之上游之地耳而金史地理志肇州始興縣有鴨子河黑龍江考肇州

爲今伯都訥地不得有黑龍江蓋猶是世紀混同江亦號黑龍江之說而不知混同卽鴨子河之改名是誤分一水爲二水也又曰上京有混同江鴨子河宋瓦江考混同江卽宋瓦江遼史稱卽鴨子河金志云爾是又分一水而爲三矣凡此皆稱名之誤也唐書曰粟末河西北注它漏河考它漏河卽今滔爾河入嫩江以達松花江此反謂松花江注它漏河本末殊爲倒置許亢宗奉使行程錄曰古烏舍寨枕混同江其源來自廣漠之野遠不可究自此南流五百里接高麗鴨綠江夫混同江出長白山會黑龍江東入海

乃云來自廣漠之北南流會鴨綠江其誤亦與唐書
同其後元明統志及黃氏今水經舛誤尤甚元一統
志云混同江源出長白山北流經舊建州西五十里
會諸水東北經故上京下達五國頭城東北注海其
所云舊建州故上京皆渤海所立建州今敦化縣境
上京今甯古塔境皆牡丹江所經地是誤以瑚爾哈
河卽牡丹江爲混同江也明一統志云混同江在開原城
北一千五百里源出長白山北流經金故會甯府下
繞五國頭城東注於海其誤與元志同但元志所云
上京係渤海之上京明志不知而取金之會甯府

阿今

勒楚喀地以資之遂使忽汗即瑚混同兩無所施是誤而

又誤也志又云松花江在開原東北一千里源出長白山北流經故南京城合輝發江混同江東流注海考金史以宋瓦混同分爲二水明志復以松花混同分爲兩江同一謬誤而更以爲松花江合混同江則其誤彌甚今水經曰混同江源出長白山北流逕金會甯府過五國城又北合松花江東入於海又曰松花江源出長白山北流逕金故南京城合黑龍江至海西入於混同江旣云混同江合松花江又云松花江入於混同江蓋兩沿元明統志之訛而更加之附

會凡此皆源流之舛也松花江為東北巨川而千載沿訛莫得一是將使搜渠訪瀆何所據依恭讀

高宗純皇帝御製詩注曰松花江本以松阿哩烏拉得名松阿哩國語謂天河也是知粟末諸名實皆松阿哩一聲之

轉而殊名異號於此兼賅第唐時粟末之稱僅至嫩

江而止唐書靺鞨傳粟末部居最南抵太白山依粟末水以居水源出山西北注他漏河稍東北

曰汨咄部又曰粟末之東曰白山部他漏河為今滔兒河於伯都訥西北境注嫩江而同入松花江汨咄

北史作伯咄金史作部渚濛粟末之證遼時鴨子河之部至此易名是不為下游通稱之證

號特專指長春一隅遼史營衛志鴨子河濛東西二十里南北三十里在長春縣東

北三十五里凡本紀所云如鴉子河者舉不而今之

出此一隅之地是不為上下游通稱之證

松花混同二名實爲上下游之通稱然取發源高遠

之義則自長白山以下宜定名曰松花江

卽松阿理之義論

其受三江

嫩江烏蘇里江黑龍江

之大則自嫩江以下始宜稱

曰混同江

會典圖說如此

因地定稱各有攸屬義符於古名

應其實則源流不紊而名號秩然矣至於脈其枝流之吐納診其沿路之所躋則別爲水道記詳於後焉
松花江屈西北流百餘里額赫諾因河三音諾因河合哈勒琿穆克河自西南流來注之

額赫諾音河源出長白山西北奔流激急是以有

額赫之名矣

國語額赫不善也土人謂之急泉子西北流百餘里與
三音諾因河會河亦出長白山北流數十里哈勒
琿穆克河自西來入之河出斐德里山東即西幹
大山東去長白頂二百六十里即湯河也土人亦謂之溫泉熱如
沸湯有氣上蒸如霧東北流百餘里會兩諾因河
東流入松花江

又西北行三十里雖哈河自西來入之

雖哈河發源斐德里山北麓兩泉歧出行十餘里
而合東北流百餘里入松花江

又西北行十餘里那爾琿河自西南來入之

那爾琿河源出佛思亨山東北流百餘里來入松
花江

又北有尼石哈自西來入之

尼石哈河亦出佛思亨山合兩源東北流數十里
入於松花江

又直北行百餘里有大小圖拉庫河尼雅穆尼雅庫
河合富爾哈河自東來入之

兩圖拉庫河皆源出長白山巔正當鴨綠江源之
北在西曰安巴圖拉庫在東曰阿濟格圖拉庫

國語安巴大也阿濟格小也圖拉庫瀑布也激湍奔注

直下千尋是以有圖拉庫之名矣兩水東西相距
十餘里分流北行百餘里入於尼雅穆尼雅庫河
河亦出長白山合兩源北流百數十里折西流受
兩圖拉庫河屈西北流百里許會富爾哈河富爾
哈今亦謂之富太河出平頂山西北諸峯

在黑山之北百

里亦幹山北行而分支一趨東北一趨西北趨
西北者爲尼雅勒瑪哈達哈達

國語峯也

蓋琿春之西界也直西流百餘里入吉林府界又

西百里許折北流與東來之古洞河會

河亦出琿春西界山

中直西流百餘里入吉林府界北岸合成一川又

西百里許折南流與兩圖拉庫河會合西流受南

來之塞珠倫河

河長百餘里

折西北流薩穆什河自東

來入之

河出塞齊窩集合兩源西南流入富太河

合西北流百數十里

入於松花江

屈西北流數十里經蜂蜜碯南輝發河白奉天海龍

廳界合數十水東北流來入之

輝發河一名柳河源出奉天通化縣界南山城北

流七十里經北山城南合白銀河東北流二十里

經海龍廳東合押鹿河大沙河又東流三十里經

朝陽鎮西合伊通河

此奉天伊通河也一曰一統河與在吉林者別

又東

合三屯河又東流十餘里經輝發城北又名輝發

江又東流十餘里合亮子河蝦蟆河又東北流入

吉林伊通州東南界南岸仍隸海龍當石河自北

來注之又東逕茶條歲子又東逕樂家屯南受交

河一作角哈河源出海龍縣四方頂子山北流七十餘里入輝發河西岸仍隸海龍復東

合二岔河即梭爾和也出伊通州東南佛思亨山北流數十里入輝發河自此而

東河之南岸亦入吉林界又東北逕樂家岡北受

巽山屯河河出伊通州東南牛心頂子山南受托佛河一呼託佛畢拉源出

伊通州東南又東北逕窟窿山南受報馬川河伊出

通州東南三岔山兩源發北受細鱗石頭二河並河

發合成一川入輝發河又東北逕亂泥溝北受通順

出州東南三箇頂子又東北逕亂泥溝北受通順

屯陳家屯二河南受橫德屯智德屯二河諸河並出伊通

州東南諸山又東北受富太河河出伊通州東南松樹頂子山屈南流復西合

小水二入輝發河又東北受色勒河河出伊通州東南四方頂子山北流西合

小二水東合小水一北注輝發河又東北逕永福屯北受獨立屯

黑石頭街豬鬃碓子諸河並出伊通州東南孤頂子北受頭二

三四五道諸溝河井出伊通州東南松陰又東北呼蘭河自

北來注之河出伊通州東南七箇頂子山南受法

河即發河也土人謂之法畢拉國語謂河為畢

大旺屯東流而北南合小水一東合小水一北流

百里許入輝發河是為法畢拉口與呼蘭河南北相直如折東北流河之北岸入吉林府界又東三十

十餘里南受蘇密河

河出伊通州東南大肚川西受小水一北流七十里入輝

發又東有公河自南來入之

公河即滾河也公滾聲轉國語曰因恩

則滾字之切音本日公畢拉畢拉或作別拉今遂呼為公別河則誤之甚亦出伊通州東南大肚川

兩源歧發東受小水一北

又東受大斂箕河又東

受小斂箕河

河並出伊通州東南斂箕岡分又東

受南來小河五

曰五道溝四道溝三道溝二道溝頭道溝並出伊通州東南船底山

分流北行

又東北逕夾信子大萬雨河自南來入

入輝發河

之河出伊通州東南那爾轟嶺東北流七十餘里

受南來小水一又北流受西來小水一又東北

流小萬雨河自西來入之少東受南來之家基河

又直北百里許由夾信子東入輝發河其東岸皆

吉林

府界又東北兩岸皆吉林府界矣又東北金沙河

自西北來入之

卽奇爾薩河也源出吉林府西南牛心頂子山東南流七八十里受

西來小水一折東流受北來小水一

又東流逕輝

又東南逕密什哈屯西入輝發河

發河卡倫北入松花江此河自發源處東北行

七百餘里合小水之有名者四十餘凡伊通州東南吉林府西南諸山衆流畢匯水勢幾與松花江相埒是以土人稱其下流總曰吉林烏拉也

屈東北受密什哈溝

溝出吉林府東南蜂蜜碯子山行三十餘里南入

松花江

又東北逕樺樹林子西大小木欽河自南來注之

木欽河卽穆辰河也一作穆禽源皆出塞齊窩集
分流數十里西北入松花江

屈西北逕大卡倫東大英溝河自北來注之又東逕
風倒木溝南小加皮溝河五虎石河並自南來注之
兩河並出吉林府東南塞齊窩集西北流數十里
入松花江

少東逕荒溝屯北古洞河自東南來入之

古洞河土人謂之咕咚河源出富爾嶺西流逕上
帽山南又西折北流由荒溝屯西入於松花江

又東逕荒溝屯北東受大嘎哈溝小嘎哈溝二河又

東北逕朝陽坡東東受漂河西受柳樹河又東北逕榆樹崴子南北受牝牛溝河

大嘎哈溝河出上帽山小嘎哈溝河出下帽山漂河出富爾嶺北逕漂河崴子南西入松花江柳樹河出半拉窩集南東流數十里入松花江與漂河相直也牝牛溝河出荒地溝屯南西入松花江又東北拉發河自東北來注之

拉發河源出吉林府東北霍倫川西卽金史世紀之和掄水也河出其間西南流四十里北受大沙

河河出吉林府東北楊木岡東流折而南有樺樹河出自五常縣永發屯南流七十里來會合爲

一逕中開元屯東後開元屯
西復南流八十里入拉發河
又西南逕土山少西
逕龍鳳口北受石頭河
河一作十道河出吉林府東北石頭頂子東凡南流
一百二十里由土
山西南入拉發河
又西南逕苦巴河屯又西南逕
下水銀屯東受大交河
一曰角哈河源出吉林府東南土磬子即伊努山也
西流七十餘
里入拉發河
又西南逕杉松街又西南逕大小瓜
旗屯凡行三百餘里西注松花江

又西北逕四道卡倫北南受瑪延河

河出吉林府東南大團山逕三道溝之西二道溝
之東屈曲行五十里許北入松花江

北受響水涼水二河

二河並出吉林府東南堪達山

土人呼康大碛山

南入松

花江

又西北逕大沙石戶屯西受大小牯牛溝河

河並出頭道溝

直北流逕新店屯西大富太河自東來注之

河出杉松嶺北西流七十里逕張家灣南入松花

江

又西北逕帽兒碛石東東受小富太河少北受雅們河西受依蘭嘎哈河

小富太河出楊木頂子西流四十里許雅們河今

曰新開河出雅們嶺西南流三十里並入松花江
依蘭嘎哈河出摩天嶺卽庫勒訥窩集也東流數
十里入松花江

又西北逕小窩集屯北南受海蘭河

海蘭河今曰海浪河亦出摩天嶺北流折而西凡
七十餘里東入松花江

又直北逕羊碯子東額赫穆河自東來入之

額赫穆河出吉林府東南那穆窩集今曰磬兒嶺
西流百里許逕小孤家子唐家歲子大五棒溝南
折南流西入松花江

屈西北逕舍利溝南西受小舍利河

舍利河今日舍林河出府南窩集東入松花江

又西北逕大風門西大風門河自西來入之又西北逕雙鳳屯東東受小五棒溝河又西北逕無極哨屯西西受桂子溝河又西北逕蓮花泡屯西東受十景溝河西受河濟格哈達河

諸河並出府南窩集分入松花江

屈東北逕馬家屯西溫德赫恩

今日溫德亨

河自西來注

之

河出吉林府西南大黑山東直北流逕火龍屯又

西北逕六家子西折東北逕馬安屯西又北逕拉

拉街東北受大水河

河一曰綏哈河出吉林府西四十里楊木林屯南入溫登

河又東北逕孤榆樹屯又逕八里屯入松花江自

發源至此凡百餘里明一統志溫圖

原作穩禿河在開

原城北五百里源出坊州北山北入松花江

盛京志引作溫登河圖登聲轉登德音近以道里音譯

求之卽此河矣

又東北過吉林城南直東流十餘里折北流東受小

河二又北逕東團山西東受小河一折西北流逕龍

潭山西依罕阿林河自東來入之

依罕阿林河出吉林府東南牛心頂子

國語依罕謂牛阿林謂山水出其山因以名焉西流逕

葦塘溝南南受嘎雅河

河出府東南荒山屯北入依罕河

又西逕

上達屯北南受雙岔河

河出府東南火盤溝屯

合西流入松

花江凡行一百一十餘里

少西逕二道嶺東沙河自西來注之

河出府西北馬廠屯東南流逕何家窩堡北折東

逕二道嶺西折北流東入松花江

又西北逕舊站街北西受通氣河

河出府西北二台子屯

又西北錫蘭河南出之富爾特恩河自東北來注之
又北逕烏拉城西又北逕峭口西西受一小河又西
北逕即家通西南受一小河又西北逕泡子沿屯東
折東北錫蘭河北出之舒蘭河自東南來注之

錫蘭河今日溪浪河源出府東北東孤家子東南

數十里逕新民屯雙岔山西東受喀哈河

河今日喀岔河

源出府東北亮甲山西南流數十里入錫蘭河合南流逕雙岔頭山折西

南流逕青龍山又西逕鳳凰山北分爲二派一西

南曰富爾特恩河

河自錫蘭河分支由鳳凰山西麓西南逕烏拉城南金珠鄂佛羅站

北凡行七十一里入松花江西北流曰舒蘭河

河由錫蘭河分支西北流四十

里許逕郎家通
北西注松花江並入松花江

又東北流逕紅灣子東東受西歲子兩河

南河出白旗屯北河出孤家子西流數十里逕西

歲子南北分入松花江

屈西北流逕官木廠西黃家邊河自西來注又東北
逕柳樹河卡倫西柳樹河自東來注又北逕法特哈
邊門西分流繞黃魚圈北流十餘里復合又北入長
春府東北境東岸界伯都訥廳西別出爲巴彥河北
流三十里許復自西入焉又西北逕長岡子北穆書
河自南來入焉

穆書河今日木石河源出吉林府西北七台邊屯
入長春府南界東北流百餘里東受太平溝河出府東滴水河西北流
數十里入穆書河合北流五十里逕張述口東
入松花江

又西北南受一小河

河出長春府東北十二馬架逕張述口西入松花
江

又西北逕燒鍋溝伊通河自西北來入之

伊通河一曰大伊通河別小伊通河言之也金史
謂之益褪額圖琿從攻黃龍府援照散城夜過益

隄水明一統志二十五龍安一禿河在三萬衛北

又八十九一迷河在開元城北四百里北流合一

禿河入松花江皆此河也源出伊通州東南磨盤

山境石板屯屈西北流四十里許入伊通州界南

受小伊通河河出磨盤山西北石碑嶺北流逕橫河屯西岸界奉天海龍廳北入伊

通州界合北流一百二十里過伊通州城東折

於伊通河北流四十里逕金家哨受南來之伊巴丹河曰一

把單出州東南黑頂子西北流受柳樹河柳樹河

出州東南東隈子山西注伊巴丹河合北流四十

餘里逕伊巴丹站南折西合北流逕勒克山溝口

屯放牛溝兩河合爲一自西來注之溝口屯河出州西北馬鞍

山放牛溝河出州西北楊家屯又北流五十里出

伊通邊門入長春府界北流而東三十里東受新

立城河

河自伊通州北境入府西

又北過長春府

東又北流九十里逕趙家店東折北流驛馬河自

西來入焉

驛馬河源出蒙古旗地六家子山南流入長春

府西北界折東流北岸直農安縣又東一百七

十餘里南受新開河

河出伊通州西北經揭房

北流五十里南受太平溝河太平溝河亦出伊

通州西北經洹頭溝西入懷德縣界北流四十

里入新開河合北流四十里入長春府西界逕

白龍駒山西又北流百里逕石廠西入驛馬河

合東流四十里逕趙家店北東注伊通河

伊通河既受驛馬河東逕二十里堡折東北逕林家店又東北逕林家橋又東北逕卜家窩堡北伊勒門河合數水自東南來注之

伊勒門河自伊通州磨盤山北境來凡二源一

出菱角頂東北流一出伊勒門卡東小山西北

流入吉林府界逕雙馬架西合而北逕神仙洞

西西受玻璃河

河亦出磨盤山境凡二源入吉林府西南界逕吉慶屯合東北

流西受自龍王岡來一又東北逕將軍嶺又北

小河又東北入玻璃河逕太平山又西北逕姚家城子東蘇幹延河自

西來入之

蘇幹延即蘇完也河以地名金史世紀有刷水國語切以舒幹後讀

之則爲二字急讀之則成一音即此河也今或

曰刷煙或曰雙陽皆以音近致訛韓或爲幹則

字之誤也源出吉林府西南駿泉屯直北流六

十餘里逕蘇幹延站東折西北流四十里逕同

回營東石山西北流一百餘里西岸界伊通南

英帽頂子山直北流一百餘里西岸界伊通南

逕後溝南折而東受北來一小水折東南流二

十里許東入蘇幹延河合東北流三十里東入

伊勒伊勒門河既受蘇幹延河北流折而東逕

蓮花泡屯北薩拉河自南來入之薩拉河一曰

路皆以音近致訛也亦出自磨盤山北界有二

源入吉林府西南界逕呼蘭山西合北流四十

里受西南來之梨樹溝河又北流百餘里逕伊

勒門站西至路河街東屈西北流七十里逕蓮

花泡屯東北又東北受興隆河府南興隆山

注伊勒門河又東北受興隆河府南興隆山

又東逕石灰窰子南蘇通河自南來入之蘇通河出

吉林府西南鶯鶯崖東北流逕磬嶺西受雙

河又北逕平頂山西受五里河又東北逕伊

拉齊街東折西北流逕方家城子東自發

源至此凡行二百三十里北注伊勒門河又東

逕前腰屯南折北流東受穆書河河今曰木石

西北五邊台屯西南流五十餘里逕奇塔穆街

西西受來自六台邊屯之小河灣河合西南流

五十餘里西又北逕丁家屯西東受二道溝河

注伊勒門河又北逕丁家屯西東受二道溝河

河出七台邊屯西又北逕狼洞子東入長春府

南入伊勒門河又北逕狼洞子東入長春府

界行四十里西受新立屯河河出府東南高家

許入伊勒門河又北逕大榆樹林東受沙河河出府東

勒門河又北逕大榆樹林東受沙河河出府東

南西北流五十里又北逕黑坎子東霧海河自

許入伊勒門河又北逕黑坎子東霧海河自

西南來入焉

河一曰烏蘇圖烏海源出吉林府西北盤古屯北流入長春府界逕

龍王廟西東北流一百七十餘里東入伊勒門河

折西北流百里許北

注伊通河自發源至此凡行六百餘里伊勒門

卽金史之額勒敏溫屯噶布拉思居長白山阿

卜薩河徙隆州額勒敏河是也明一統志一迷

河在開原城北四百里北流合一禿河入松花

江今土人呼曰驛馬河

與發源蒙古六家子者名同非一河一迷

驛馬皆伊勒門一聲之轉一禿河卽伊通河也

伊通河旣受伊勒門河又東數十里屈東北流入

於松花江自發源至此凡五百五十餘里自受驛

馬河

來自蒙古界者

後北岸皆界農安縣

松花江既受伊通河西北入農安縣東北界東岸界
伯都訥廳又西北逕蓮花泡南直西流逕鷹山南南
岸界蒙古郭爾羅斯前旗界又西分一水而北又北
復合又西北逕于家屯西又西逕伯都訥城西南而
北逕八家子屯西東分一水爲錫蘭河又西北復合
又西北東分一水爲二道河又西北至三江口嫩江
自西北來會古諾尼江也混同之名自此始折東流
北岸界黑龍江省又東二道河自西南來合折東南
流東分一水爲大肚川行數十里復合又東南分一

水爲四合堡河又東南數十里四合堡河自西來合折東北流東分一水爲兔斯河又東南數十里復合折南流逕二龍山北西受黑石垞河

黑石垞河源出伯都訥廳北長春嶺西入松花江又東流逕岱吉卡倫北拉林河自東南來注之

拉林河遼史之洮流河金景祖敗舍音往見遼邊將行次洮流水而復金史作來流太祖進軍甯江州諸部兵皆會於來流今音轉爲拉林實一水也凡二源皆出五常廳東南拉林山北曰霍倫河金史之活論河烏春傳所云涉活論來流水舍於朮

虎部阿里矮村者也南曰舒蘭河水道提綱作音

蘭蓋舒或作書又以形近誤爲音也兩水歧發總

成一川合西北流七十里逕大歲子屯南南受哈

薩里河

河一作喀薩或別出之以爲兩河非也出自哈薩里山西北流數十里入拉林河

又西北左受小水二右受小水二

水並出五常廳東南又西

北逕雙砑子南東受響水河

河出五常廳東又西

北逕大青砑山東東受寒葱河

河出五常廳東南直北

流逕向陽山南東受渾水河

河出五常廳北折西北

流逕團林子東南受小石頭河

河自五常廳南長安堡來又直

北折西流逕穀頭山北靠山寨河自南來注

河自靠山

寨北流四十少西黃泥河自東來注即涼水泉河
里入拉林河

東南連

又西逕山河屯北錫蘭河自吉林府北入

環山

五常廳界合小沙河來注之河出吉林府東北新

名雙河川今日溪浪河以音近而訛也直北流五

十餘里入五常廳南界又二十里東受來自三箇

頂之小沙河合又西北逕蓮花泡東東受半截河

北流入拉林河

河出五常廳

又西北西受七道河河出伯都訥廳

東南三道岡

北流逕興隆鎮東折東流逕土橋

街南入五常廳界東注拉林河

又西北西受六道

道五道河

雨河皆白伯都訥廳東南玉皇廟來分

拉林河又西北西受富春河河自伯都訥廳東界大房身來又西北

逕半拉城西河之西岸入伯都訥廳界又西北逕

告木通志卷二十二

後沙山西莫勒恩河合大泥河自東南來會

莫勒恩卽摩琳河金史謂之穆棱水世紀臘醅

略來流水牧馬得姑里甸兵百十有七人據暮

棱水守險卽此或以此暮棱水爲甯古塔東穆

棱河則去今拉林甚遠恐非是也河出五常廳

東南拉林山北麓凡二源合而西流逕青頂山

南又西而北東受石頭河

河出五常廳東南三柱香山直西流四十

里出南北雙城之間西入莫勒恩河

又西北西受小莫勒恩河

河出

金坑山東北

又北流冲河自東來注

河出五常廳東南大

青頂子山直西九十餘里入莫勒恩河今呼其處爲冲河口云

又西北南受小

里河

河出金坑山北東入莫勒恩河

又西折北流東受湘水

河

河出五常廳東黃岡西北流六十餘里入莫勒恩河

少北西受七才河

河出五常廳東南雲梯山東南逕茵彩橋南折北流注莫勒恩河

又北逕元寶

山西東受薛家灣河

河出五常廳東太平山

又北逕北小

山東西受劉泡河

河出北小湖北東入莫勒恩河

又北大泥河

自東來會

大泥河出五常廳東次老茅山西北流四十里

東受小石頭河

河出廳東大青山故一名大青山云西入莫勒恩河

又西

北東受姜家溝河

河出廳東無名山西北流六十里許入大泥河

又北

東受疙疸橋河

河出廳東小山

又西北南受元寶河

河出

木頂子廳東楊折西南流南受小泥河河出廳東老木營山又西

南南受葦沙河河出廳東滿天星嶺西北折北

流大石頭河合六道河自東北來注焉大石頭河出鷄

爪山西麓六道河出鷄爪山東麓分又西北逕

流至山南而合又西南入大泥河

大紅頂山南西會莫勒恩河土人呼其處為大泥河口

莫勒恩河既合大泥河屈西流逕萬寶山南南

受條子河河出廳東八道岡又西流南受小六道河河出

廳東六道岡東北流南合出自七道岡之轉山子河同注莫勒恩河又西北南受

半截河河出廳東青雲寺屯又西北楊樹河合於藤子河

自南入焉

二河並出廣東五道兩分流入莫勒恩河

少北四

道黃泥河自東入焉

河出廳東萬寶山西麓

又西北逕黑

魚泡北東受三道黃泥河又西北逕五角泡北

二道黃泥河頭道黃泥河並自北入焉

三河並出廳北

碩多南受琉璃河

河出廳東四道岡西台拐棒河同注莫勒恩河

又西

北逕五常堡北南受頭道河

河出廳北頭道岡

又西北

北受柳樹河

河出碩多庫山

又西北入拉林河

拉林河既受莫勒恩河又西北東受背陰河

河出廳北

小又北而西北岸入雙城廳界南岸界伯都訥廳

又西逕牛頭山北卡路河自混同江東北流南合

卡岔河入焉

卡路河出自松花江在伯都訥廳西南界分支
北流逕于家寨西折東北逕四間房西直北流
逕十間房西折東北流逕卡倫站南折而東逕
于家堡北南受卡岔河卡岔河出伯都訥廳東南長嶺子北流八十里合南來之二道河二道河出吉林府東北入伯都訥廳東南界北流百餘里逕萬壽山西合於卡岔河合東北流逕藍旗屯東東北入拉林河

拉林河又西北行一百六十餘里逕大碑東董家

屯河自南來入焉

河出伯都訥廳西太平嶺西又

西北逕柞樹岡北南受蘇家窩堡河

河亦出太平嶺東北流八

十餘里入
拉林河 又西北入混同江

混同江又東入雙城廳界北岸界黑龍江呼蘭廳又
東逕江岔子北少東南受煙袋泡子河又東南逕泡
子口北分一小水而東又東北復合又東南折而北
逕河南屯北分一小水而北又東北復合又東逕西
崴子北分一小水而東二十里許復合又東北逕朝
陽屯北南受朝陽屯河

朝陽屯河出雙城廳東北鎮藍旗三屯西北流五
十里許入於混同江

又東北逕萬家店北葦塘溝河自東南來入之

葦塘溝河出賓州廳西南廣慶莊

直阿勒楚喀城
西五十餘里

西北流入雙城廳東界逕半拉山南東受一小河

河出半
拉山北

又曲折西北流逕新立屯西直北注混同

江凡行一百五十餘里

又東逕報馬屯北分一小水東流十餘里復合又東北南受大亮子河又東南逕天鴨泡北正陽河自西南來注之

正陽河出雙城廳東北正紅旗二屯北注混同江混同江又東北入賓州廳界北岸仍界黑龍江呼蘭城少東北逕前貴口北阿什河自東南來注之

阿什河卽阿勒楚喀河也金曰按出虎北盟彙編

曰阿觸胡又曰阿朮火字異音同實一地也出資

州廳東南帽兒山屈西北流六十里逕西花礪山

北受花礪河

河出東花礪山

又西而南而西逕三道街南

折南流南受小黃泥河

河出雙城廳東大青頂山西北入賓州廳界行三十

餘里注阿什河

又西北河之南岸界雙城行二十

里混元河合五水自北來入焉

頭道河出廳西南大分水嶺南流逕

烏拉草甸南二道河自嘉松阿山西流來會又少

南三道河自東來會河亦出嘉松阿山又西南半

截河出小分水嶺自北來會折東南流四道河出

塔頭山自東來會至此總成一川曰混元河西南

流十餘里折西南流東岸界雙城逕磬兒嶺東東

入阿什河

受太平川川出雙城北又西南西受二道關門河

河出廳南少南大黃泥河自東南來入之河出雙

嚴家嶺南筆架山西北流北合帽兒山折西北流西岸又

水又西北流六十里入阿什河折西北流西岸又

界雙城西逕潮半岔北北受泉眼河河亦出嚴家嶺少西

折北流西受孫家店河河出雙城廳界又西北逕七箇頂

子西東受大石頭河又西北東受小石頭河又西

北逕王窩堡西東受沙河又西北逕料峭口西東

受哈馬塘河又西北東受大腰溝河五河並出廳西南七里半

山又西北南受箐子溝河河出自雙城廳箐子溝嶺二源南曰南箐子溝

河北曰北箐子溝分向西北流數十里合焉又西北逕武家窩堡西西受一小河曰箐子溝河合北

流逕周倉店西入阿什河少西新立河自西來入焉河出雙城

西流數十里入阿什河土折而北西受前二道溝

人呼其地為新開河口也又北西受後二道溝河出廳西又

北逕白城東金之上京也西受一小河河出廳西

又北逕阿勒楚喀城東分流繞古刺屯正流折而

西而北西受一小河河出廳西又北分流之水自

南復合又北海溝河自東入焉河即金史之海古

並出廳西南大分水嶺北源曰大海溝河出嶺北

直西流逕頭道關門折而北茂石河合一小水自

東入之又西北逕馬窩堡西小海溝河自嶺西

北流來會即南源也合而北而西一小河合三源

自北入焉又西北南受太平溝河河出廳西又

西北東受後進屯三小河

三河並出後進屯西次第入阿什河南受

廟台灣河

河出廳西前三家屯

又西北逕馬家屯西受長林

子河

河出廳西長林子

又北逕馬廠甸西入混同江

又東逕石人溝北白魚泡合橫道河自西南入焉

二河並出廳西長林子北東北入混同江

又東北裴克圖河自東南來注之

裴克圖河一曰弗朵禿音同字異也源出廳南石

洞山西北流三十餘里逕千家窩堡南受安巴佈

拉庫河

安巴或作爾奔字之訛也河出廳南弔水湖西流逕王家店折北流受西來之李家

屯河又北受西來之左家屯河又北受西來之西溝河三河並出廳南山東流入安巴佈拉庫河台

而東入斐克圖河又北逕元寶山西折西流北受高麗溝

河北小團山又西而南南受大舍利河河出應西

山西北流四十里入斐克圖河又西受南來之柳樹河河出應西

又西分南北流數里而合南受草廠河河出應西北

受徐家堡河河出應西又西逕斐克圖站東折西北

流南受小舍利河河出應東南呼蘭峯今呼為煙筒壩子者是也兩源分流而西

數十里折北流合為一又西北逕大團山西受興

隆溝河河出應西又北逕古城西入混同江

又東北逕太平川北屈東南逕滿井東南受稗子溝

河

稗子溝河出廳西北大團山合兩源東北流南受
朝陽河合而東逕東古城北入混同江

又東南南受烏兒河

烏兒河出廳北小團山北流西受兩小河合注混
同江

少東受南來之紅石礮河

紅石礮河出廳西東北逕楊家大橋西折西北故
又名楊家大橋河又西北入混同江

折而南而東而北逕半拉山西海里渾河自南來入
之

海里渾河亦出廳東南石洞山凡三源西曰頭道
海里渾河東曰二道海里渾河又東曰三道海里
渾河北流逕廟兒嶺東而合又北流西受五道林
河河出廳南小山北流貫廳城而北西受一小
水又北逕劉家堡南折而東入海里渾河又
北入混同江

又東分一小水而南折東流南受三道溝又東復合
少東馬蛇河自南來入焉

馬蛇河卽頭道河也出自廟兒嶺東東北流南受

三岔河

河凡三源西曰西三岔東曰腰三岔又東
曰東三岔東北流合焉曰三岔河逕水師

營西合於
頭道河

合北流曰馬蛇河北注混同江

又東北耬板河自南來注之

耬板河出廳東南桃兒山東北流逕楊木橋河西

西受元寶溝河

河出廳南嘉松阿山直東流南受隊窖河合東北流北受一小河又

東北入耬板河

又東北逕老營口街東東受東坡閘河

出河

又東北逕蔭子屯東東受恆

道河

河出廳東分水嶺合兩源直西流南受萬人愁河折西北北受朝陽河又西北逕長發屯

東東受湯石河合西流逕虎頭山南入耬板河

又東北逕姚家屯西入於

混同江

又東流陶淇河自南來入之

陶淇河出廳東城牆碯子西北流東受五道崴子

河又西北南受一小水又西北入混同江

又東逕向陽川北自此江之北岸界三姓城又東南南受大泡河

大泡河出向陽川東南受半截河又東流南受石洞河又東入混同江

又東南擺渡河自南來入之

擺渡河出廳東分水嶺西北流西受高麗帽子河

折東北東受小擺渡河河出廳嶺北又北西受小水一

東受小水一水出白石碕山又北入混同江

又東白魚圈河黃魚圈河瓜蘭川河張窩堡河王保

河黑河並自南來入之

諸河並出廳東諸山皆分水嶺之支流也嶺南之水皆入瑪延河嶺北之水皆入混同江

又東瑪延河合數十水自西南來注之

瑪延河出甯古塔西北畢展窩集西北流入廳東

南境九十餘里南受小石頭河

河出廳東南老嶺根

又西北

十餘里北受養魚池河

河出瑪延大嶺

又西北三十里南

受七道河

河出廳東南圍荒地

又西十餘里逕長岡南北受

金沙河

河出廳東南雙台子

又西十餘里逕南陽川南倭沙

河自南來注之

河出甯古塔西北境入廳東南逕大吐川西西受來自鍋盔頂山之

小水一合西流二十餘里折東北五十里許北入瑪延河又西北五十里南受

搭連泡河

河出廳東南涼帽頂子山

又西北二十餘里南受大

沙河

河出廳東南一面坡

又西北十餘里東受小水一又三

十里許逕于家營折西流西烏吉密河自南來注

之

河出廳東南西烏吉密山東流而北南受花曲河台北流入瑪延河

其合處爲渡

口少西折東北流西亮子河自西來注之

河出廳東南大

青山南流而東牛心山河自北來入合東流入瑪延河

又東北百餘里左受

小水一及雙磳子水花磳子水阜山屯水橫頭山

水右受金沙泡空心柳河通河泡及無名小水三

又東北逕街基南黃玉河自南來入之

河出廳東南大青山

南流折而西長壽泡自南入焉又西北逕元寶山
東元羊磧子河自南折東流入焉又西北折而東
東受楊木河又北西受金沙河小平安又東北逕
河平安堡河合而北而東北入瑪延河又東北逕
瑪延巡檢司東南受石洛河河出廳東又東北南
受長壽河一曰西長壽河別東長壽河言之也又
東北逕仁和公屯西西受柳樹河河出廳東南分
南流南受來自橫頭山之板石河又東南
楊木頂子河自北來台折而東入瑪延河又東北
西受三合店河金沙河二河並出廳東受東長壽
河河出廳東南雙磧子山少北東烏吉密河自東
河台兩源北流入瑪延河
來注之干峯山北又東北東受小水二西受小
林河大林河二河並出廳東又東北東受金鳳河

河出馬
鞍山
荆家台河
河出金山
金坑河
河亦出金山
西受小

柳樹河
大柳樹河
河並出至頭磬子
少北東受關門磬子

河
自其發源處名之
又東北西受二道坡子河
以所經又處名之

東北東亮子河
自東來入焉
河出廳東南太平磬北流逕三合頂東受

南來之大青山河
折東北逕千峯山東錫林河
自瑪延河大嶺來西流入焉
又東北驛馬河亦自大

嶺來注即伊勒門河也
又東北東受大遼河
又東北受小遼河
與圖所謂綏哈河者也
皆出自廳東

北受小遼河
又東北東受石頭河
又東北東受石頭河

老嶺又西北小石頭河
自東又東北東受石頭河

南來入台西北流
人瑪廷河
又東北西受小水二並

河出廳東老嶺根北流而
又東北西受小水二並

西一百二十里入瑪廷河
又東北西受小水二並

廳東雙
又東北桶子河
自西來入焉
河出廳東源合而

鳳山
又東北桶子河
自西來入焉
河出廳東源合而

東北受白磬山河
自所出名之也
又東受西自歪

頭磬子來之大珠子林河
又東受北來之二道河

又東受北來之三道河合而
東逕向陽川南入於瑪延河
河出廳東老嶺根西北流北
岸界三姓城又西北七十
里小黃泥河南自太平山
西北流來合又西二十餘
里逕渡又北逕海家屯東
岸界三姓城又北入瑪延
河

北入混同江

混同江又東北入三姓城界
又東方正泡彈弓泡蒲
萄泡橫頭泡黃泥河楚山
泡諸水自南次第來注之
又東北富拉渾河林子河
小橋河薩林河諸水自北
次第來注之折東南流逕
大羅拉密山北又折而東
北北受崇古爾庫站河南
受永起河又東北逕小羅
拉密山北北受打沖河南
受黑瞎溝河又東北北受

化什哈泡南受瓦洪河又東北南受郭卜奇希河北
受錫伯河又東北南受朱奇河北受二道河又東北
北受頭道河南受達林河又東北北受大小胡特亨
河

二河並出三姓西恆虎頭山土人呼曰古洞河則
胡特亨之聲轉或曰咕嘟則古洞之誤字也大特
亨河逕大胡特亨噶珊東小胡特亨河逕小胡特
亨噶珊東次第入混同江

又東逕妙噶珊站南牡丹江自南來注之

牡丹江自其發源之處言之也至甯古塔以下曰

瑚爾哈亦曰虎爾哈卽唐之忽汗金之呼里改路
元之忽爾哈路明一統志所謂胡里改江出建州
東南山下東北匯爲鏡泊者也第明志又別出忽
兒海忽汗分一水爲三水則大誤耳其上游則曰
牡丹江水道提綱以爲按出虎水非也安出虎水
爲今阿勒楚喀河地望音譯俱合與瑚爾哈源流
迴別豈可混爲一稱哉牡丹江源出敦化縣西南
老嶺長白山北徑三百餘里之幹山也重阜修巖
聯峯接勢水出其北東北流逕帽兒山南有四道
溝河自西南來入之

河出縣西南山

又東北逕懷德鄉西

受黃泥河

河出縣西直入牡丹江

又東北逕屏風

山西西受大石頭河

河亦出紅石砬

又東北逕滴搭背東

受小水二

水出屏風山北

又東北逕劉家屯東西受半截

河

河出縣西太平山東流過縣南五里許自城東入江

又東北過縣東小石

頭河自西來入之

河出縣西小青山東流七十里許過縣城北至其東北入牡丹

江

又東北有葦子溝河自西來入之

河出縣東北無名山自北

而南曰後葦子溝折而東曰前葦子溝東入牡丹江

折而北有雷風溪河自

西南合眾水來入之

雷風溪河源出烏松磯子東北流數十里朝陽

河合三水

曰朱家店河曰蒙手營河曰黃泥河

自西來入之折東

流受南來之興隆河

河出縣東高松樹嶺

又東受南來之

橫道河

河出縣東朝陽岡

東入牡丹江

牡丹江又北有蝦蟆塘河

河出縣北牡丹岡

自西來入之

珊延穆克河合眾水自東來入之

珊延穆克河金史世紀所謂舍音水完顏部者

也源出縣東南廟爾嶺土人呼爲大石頭河西

北流二十里受東南來之頭道河

河出縣南雙廟嶺

北有二道河自西南來入之又北流三道河自

西南來入之

兩河皆出縣東南高麗帽山

又東北而富勒佳

哈河合眾水自東北來會

富勒佳哈河卽富爾吉哈河土人呼曰富家亮

子自敦化縣東北發源南流數十里受東北來

之兩水

在東者曰柳溝河在西者曰黃泥河折南流數十里合爲一入富家亮子河

西南流三十里許受北來之沙河

河出縣東北駱駝嶺于直

南流西分一支流是爲沙河沿復

又西南南受

板橋河

卽蓋巧河也源出哈爾巴嶺西之朝陽蠟子北流三十里許入富家亮子河

又西流受南來一小水

曰梁水泉于

稍西與珊延穆

克河合珊延穆克河既合富家亮子河折北流

受西南一小水

曰小石頭河子

折北東流受東來一水

水出二龍山兩源合爲

屈北流沙河沿水自東

一西入珊延穆克河

來入

水爲沙河分支直西流逕高麗盤道南西南入珊延穆克河

又西北馬

鹿溝河自東北合眾水而西來入之

馬鹿溝自縣東北山

發源西流數十里有頭二三四凡四道溝水自南來入之復西流折而南而西入於珊延穆克河復西流徑通溝嶺而北而西入於牡丹江其

西岸與蝦蟆塘河相直也

牡丹江又北流黑石河自西來又魚河自東來交

入之

黑石河源曰灣灣河東流數十里又魚河源曰招尾巴河西流數十里交入牡丹河水口

相直如十字焉

又北流折而東大臧號河自西來入之

大臧號河卽大沙河源出敦化縣西南之烏松

礪子與雷風溪河僅隔一山自其處西北流數

十里受西南來一水折北流受東南來一水益
北流有小舫號河自西合三源來入之折東北
流逕小舫號嶺北受南來一水又東北有舫號
河自東來入之合東流數十里與朱魯多觀河
鄂穆索河合

朱魯多觀河土人呼曰朱爾多河源出敦化縣
西北白石礮山蓋塞齊窩集之支峯也東南流
數十里至朱爾多河渡口有伊奇松河自西來
入之伊奇松河出自塞齊窩集合兩源西流數
十里受北來一水逕伊奇松站東入朱魯
多觀河合而東逕鄂穆赫索羅站南而鄂穆索河

自北來會

鄂穆索河有兩源東曰東馬鹿溝西曰西馬鹿溝各西東流數十里合爲一曰鄂穆索河南流數十里逕鄂穆赫索羅站東而南合朱魯多觀河兩河旣合稍南流會西來之大鹹統河合而東受西來之蘇子河

河自青山子發源東流數十里入於三河會處又

稍東受北來一水東入牡丹江土人謂之三岔口也通志入朱魯多觀河之水尙有山壁河安

達爾琦

部名也

河不知於今何屬矣

牡丹江又東有都林谷河自北合數水來入之

都林谷河今呼曰都陵河源出塞齊窩集南流

數十里東岸界甯古塔西受佛多和河今名橫道河出

塞齊窩集合兩源東南又南流受西來之當石

流數十里入都陵河當石河合因水流數十里東入都陵河通志

河有汗察罕河甚清冷河皆出塞齊窩集南入

牡丹江以地望診之疑又南逕小江歲東入於

當在此然無可考矣

牡丹江

牡丹江又東北岸界甯古塔有三道登什庫二道

登什庫河合爲一自北來注之又東有頭道登什

庫河自北來注之各長數十里又東南岸亦入甯古塔

界有塔拉河合阿拉河自北來注之

塔拉河出畢爾罕窩集分兩源繞塔拉站左右
南流合爲一又南受東來之阿拉河

阿拉河一日阿蘭土人呼爲阿爾蘭阿蘭阿拉
聲音輕重之殊阿蘭阿爾蘭語言緩急之異耳
亦出畢爾罕窩集南流折而西入塔拉河俱南
注牡丹江

牡丹江又東有托罕河自南來注之

河出城南大山

屈東

北流大空其穆河自東南來入之又東北小空其

穆河自東南來入之珠克騰河自西北來入之

兩空

其穆河皆出敦化縣界西北入牡丹江小河對岸
卽珠克騰河珠克騰河土人呼曰珠克敦源出畢

爾罕窩集東南入牡丹江
入江處有朱克敦渡口

又東北數十里受諸水

匯爲巨澤曰畢爾騰湖所謂鏡泊湖也自西南而

東北狹長七十里南北徑二十餘里中有老鶴山

道士山小孤山大孤山凡四道士小孤兩山之間

有巖曰珍珠門

盛京通志曰中有三山名郭摩和昂阿山阿克善山牛象山阿克

善牛象兩山之間有巖曰白巖湖之西南牡丹江水入湖之處有

一崖曰呼克圖峯湖水東注飛瀑跳空奔浪雷吼

聲聞數十里土人名曰發庫唐人所謂渤海王城

臨忽汗海者卽此湖之南曰南湖頭有札津河自

南來入之

札津河亦曰札珠今呼曰夾溪河出自瑪爾瑚
哩窩集分兩源土人以大小夾溪河別之北流
數十里合爲一入畢爾騰湖其東卽松吉河也
松吉河今日松音河吉音形近致誤亦出瑪爾
瑚哩窩集自南來合兩源西北流數十里入畢
爾騰湖河北岸有松音卡倫在焉又東曰柳樹
河也亦小水又北曰阿布河

阿布河亦出瑪爾瑚哩窩集合小水六西北入
畢爾騰湖又其北曰石頭河

亦小水

又東北有一

水屈曲西流數十里入畢爾騰湖其水口正直

大孤山也湖之北曰北湖頭其西北有畢拉罕河

畢拉罕河源出畢拉罕窩集又曰半拉窩集者音訛也東流十餘里受東北來之愛時河又東數十里逕畢拉罕站之南受南來二小水其東有額伊呼河逕站東南南來入之合流入畢爾騰湖其旁有鄂摩和湖源出畢拉罕窩集南流入畢爾騰湖其北卽德林石矣

德林石土人曰德林倭赫倭赫

國語謂石也自鄂摩和湖東繞沙蘭站之南至湖

爾哈河廣二十餘里袤百餘里石平如鏡孔洞
大小不可數計或圓或方或六隅八隅如井如
盆如池或口如盂而中如洞深或丈計或數尺
中有泉澄然凝碧夏無蚊蠅馬鹿羣嬉名曰德
林石又相連有石頭甸子俗呼黑石甸子石縫
中或魚躍出人每得之甸上草木皆異黃蒿松
卽生其處車馬行其上如聞空洞之聲其石塊
或損便有水從罅隙出探之深不可測迄西十
餘里有海眼季春冰泮水流石下聲如雷吼

海眼在石頭甸子西十餘里萬山中有池周八

十餘里每日三潮與海水相應仲夏日初出時
恆有巨魚湧出高三丈許長十餘丈飛鳥不敢
過其上至巳午時始沒其出時眾魚隨之皆浮
水面漁者因其出而網焉必大獲

牡丹江自發源至入鏡泊湖無異名鏡泊湖之北

曰北湖頭水自其處東北流始名曰瑚爾哈河蓋

忽汗之音轉也行十餘里折而北逕弔水樓東三

道河自西來入之

河自城西山合三源南流而東有天橋水台二源自西來合

而東逕德林石卡倚北驪爲二

行十餘里復合東注瑚爾哈河杏花山牛樣子山

二水自東來入之又北二道河自西來入之

河合

南流折而東數十里入瑚爾哈河又北逕東京城今呼敦京城東敦音轉西

北折而東頭道河自西來入焉河即波泥河也源出雞蛋石南流折

而東逕沙爾站南沙蘭河自北入焉又東受北來一小水折南流一小水自西來注少南入瑚爾哈

河又東逕三靈墳而東有瑪勒呼哩河自南來注

之楊木台河自北來注之瑪勒瑚哩河一日馬兒虎出自瑪爾瑚哩窩集

今所謂老松嶺也在甯古塔城南一百四五十里合敦源土人呼為六道河屈曲北流受東來一水

逕瑪勒瑚哩站西有一水自東來注之益北流東西有二小水交注之復北受西來二水北入瑚爾

哈河對岸楊木台河自西來經舊街基南張家嶺西折南流入瑚爾哈河水口與瑪勒瑚哩河南北

相值如十字焉又東逕大牡丹屯北受大牡丹屯河又東

過甯古塔城南有哈瑪河自南來注之河出城南老松嶺南

源岐發曰二道河曰三道河合西北流折而北廐
兒嶺水自西來注之又北受東來之梳爾綽河一
曰索爾霍綽又東北東受
小水一又北入瑚爾哈河又東有蝦蟆河自東南
來注之河出城東南山西又北過甯古塔城東塔

克通阿河自東來注之

河今曰哈爾河出塔克通阿窩集直西流南受小

水二北受小水一又西運大正山南一水合二源
自南來注之又南及通花街水西入到爾哈河

又北西受伊蘭岡水

水出張家嶺合三源東運甯古塔城北入瑚爾哈河又

東北東受商音河

河一曰商堅畢拉罕今曰白利哈達出商音畢拉罕窩集西入

瑚爾哈河

又北而西東受呼錫哈里河

河出呼錫哈里窩集西北流

數十里入

又西而北興鎮里溫車痕河自東來注

之

河出城東北山一曰興哲聖溫徹亨譯音又東

北運龍首山海蘭河自西來入之

海蘭河一曰駭浪河源出五常廳賓州廳交界

處之海蘭窩集東南流入甯古塔城西北折而

南受西來小水一又折而東受北來小水一二

並出城西北山合而南有拉哈密河自西南來注之出河

小圍折而南流雞卵石水自西來注之譚爲二

東流數十里逕舊街基北而合有瑪展河自西

北來注之創密占河也出密占窩集東南流數十里入海蘭河益東北北

受商石河即合赫河出合赫窩集西受北歲子河合而南入海蘭河折東流

北受紅甸子河通志所謂鄂克托河出自亞齊古塔城九十里無名小山者也

又東受帳房山河又東受石道河

河並出城北山南入海蘭

河又東逕卡倫山入瑚爾哈河

瑚爾哈河受海蘭河而東有尼葉黑河自東南來

注之

河出尼葉赫窩集即城東北之四道嶺也或呼作騰黑河者語音緩急之異今俗謂之也

河凡二原西北逕也

又北特林河自東來注之

河卡倫入瑚爾哈河又北特林河自東來注之出

特林窩集即城東北之大嶺合兩源兩流北受小

水一南受小水一又西逕四道嶺南受磨刀河河

出城東北磨刀石折西北鐵嶺河合小水二自東

來會蓋特林河之分支以音轉誤分為二耳合而

西入瑚

又折而北受東來一小河

即齊克騰也

又北烏

赫林河自東來注之

河即通志之穆哈連也今謂之烏府林或作五合嶺或作

烏和林皆對音字源出穆哈連嶺西南流南受阿

濟格蘇和辰北受小烏赫林河合而西入瑚爾哈

河富達密河自西來注之河出富達密窩集又北有樺樹

林河自東注焉河出城北山分兩源夾頭站西流數十里而合又數十里西入湖爾

哈又屈而北有江密峯河自東來薩林河自西來

交注之江密峯河出城北出薩林河即薩爾布河也出薩爾布窩集又北東受

小水二西受頭道河又北有哈圖河自東來飛來

河甯蘿河自西來並注之哈圖河出白草甸子西流數十里匯為二分入

瑚爾哈河其南支對岸即飛來河飛來河源出城

北山甯蘿河即舒蘭河也又作青蘿蓋舒或作書

書青形近難蘭聲近緣以致誤今又訛為甯蘿

矣源出舒蘭窩集東流百里許入瑚爾哈河又

北逕三道卡倫西受錫林河河出城北山今呼細鱗河東受小

水四皆無名西受阿穆蘭河河出阿穆蘭窩集又東北入三

姓界西受三道河

即安巴河也源出安巴窩集所
謂老嶺即此在三姓城南三百

餘里河南為窩古塔界河自其處曲
折東北行二百餘里入瑚爾哈河

折西北逕門

坎子哨又東北受南來小水二折而西小夾皮溝

河自西來注之又北蓮花泡自東入焉又東呼蘭

河自南入焉

今呼煙
筒山河

又北東受柳樹河

諸河並出
城南山

西受小迎門石河

河出小
迎門石

又北逕扁擔嶺西四道

三道二道頭道諸河自東入焉

河並出城南
懶柳子山

又北

逕三站西東受三道河西受四道河又東北逕城

牆磧子東東受大鍋盔頂子河

河出
其山

又北逕五箇

頂子西西受五道河又東北逕烏斯渾卡倫烏斯

渾河自東南注焉

河一曰阿思罕出三姓城東南三百餘里之烏斯渾舉拉窩集

合二源直北流東

受龍瓜溝河又北東受額勒

河又北東受湖水

畢拉河又北東受西白棱河折

西北逕烏斯渾卡

倫北入瑚爾哈河

又西北東受礪松頂子五河西

受尼什哈一河又北廟兒嶺河自東注焉又北而

東礪子溝河自南注焉又東北逕松樹嶺東伯勒

河自東南來注之

河出廟兒嶺西北流南合小河沿蓮花池二水北注瑚爾哈河

又東北過三姓城西二里許北入混同江

混同江既受瑚爾哈河過三姓城北稍東窩肯河自

東南來注之

窩肯河今日倭坑河又曰倭和江源出富克錦城

南七星碕子西南流入三姓東北界東北岔河西

北岔河自左右來交注之又西南逕石頭哨南南

受西金別拉

別拉即畢喇澤言河也源出城東南老嶺北入窩音河

又西南

南受茄子河

河亦出老嶺

又西南南受奇塔河北受樹

椿樓河

奇塔河源出彌松頂子樹椿樓河出樹椿樓山

又西南逕阿爾卜

善山南南受楊樹小駝腰偏臉子陡溝子四河又

西南逕大巴爾蘭山南南受大碾子河又西南逕

小巴爾蘭山南南受小碾子杏樹溝二河屈西北

流南受赫蘭珠岡河又西北南受羴羊河又西北

南受吉新河

今日雞心河

又西北北受奇呼里河

河出樺皮

溝

又西北南受半結河北受巴呼里河

河亦曰巴和里盛

京通志別出之以爲兩水非也源亦出樺皮溝

又西北南受二道河頭道

河北受半結河又西逕喀穆圖山

今呼爲哈馬塘

南受魚

眼泡折而北逕土龍山西蘇木河自東注焉

河出草帽

頂子山

又北逕珊延倭赫西

珊延白也倭赫石也或去珊字徑以爲燕窩河

非也阿穆達河自東注焉又西北過三姓城東北逕

窩肯哈達山根入混同江

混同江既受窩肯河又東北巴蘭河自西北來注之

巴蘭河自黑龍江呼蘭廳來南流入三姓北境折

而東有元寶山河自東北來合北來之滿天星河

同注之合而南受西來之妙噶珊河逕妙噶珊站
入混同江

又東北北受拉穆河又東北北受烏風浪河又東北
瓦丹河自北來注之穆舒圖河自南來注之又東北
逕湯旺河卡倫南湯旺河自北來注之

諸河並出黑龍江呼蘭廳界南流入三姓北境湯
旺河卽桃溫河元之桃溫萬戶府地桃溫二字合
音爲屯故亦稱屯河今則訛爲湯旺矣源出屯窩
集南流入三姓北境逕松訥城北東南流西受僧
木坑水合入混同江

又東北受南來小水一又折而東北岸屬黑龍江又東逕殷達穆卡倫入富克錦城界殷達穆河自東南來注之

殷達穆河源出那丹哈達拉山土名小黑山者也西流折而北東岸界富克錦受東來一水合爲一北入混同江

又東逕德依亨山德依亨河自南注之又東逕古城北南受哈達密河又東北南受喀爾庫瑪河

喀爾庫瑪河源出伊把丹山

又東南分支東流爲安巴河行百里許復合又東過

富克錦城北東北流逕圖斯科西東溢一水爲黑河
又東北逕黑河卡倫西黑龍江自西北來會自此以
上江之西岸亦入黑龍江界其北則俄羅斯之徐爾
固鎮也混同江水色黃黑龍江水色深黑至此合流
黃水在南黑水在北行七百餘里至伯利二色始融
徐爾固西南二方無山東北二方有山圍繞如城垣
狀北山自外興安嶺分支向南迤邐而來西分精奇
里尼滿二水入黑龍江東分恆滾格林庫魯三水入
混同江其山至徐爾固正北落爲平陽凡東北數十
里外山皆其麓也東面數十里外街基額圖諸山由

長白山東北分支經哈爾巴嶺出牡丹江東興凱湖
西曲折東北行盡於混同江南岸與北山同爲兩江
門戶云混同江又東北逕街津噶珊北黑河自西來
入又東北逕阿穆集山北奇穆尼河自北來入之

奇穆尼河源出奇穆尼窩集在畢瞻窩集東北三
百里其北三百里爲格林窩集皆林嶂秀阻人跡
罕交河南行百數十里合西來一水屈東南流百
數十里合北來一水揚波南注統成一川東南流
三百里許入混同江

其南溢出一水爲農江又東北逕科勒穆洪庫西漫

江自西入焉

濃江自混同江溢經鄂里米噶珊西東流百餘里
逕色勒街庫南受南來一水又東北流六十餘里
一小水自南入焉又北入混同江東距富克錦城
三百三十五里

又北而東受烏蘇里江支渠之水所謂通江也又東
北百里許烏蘇里江自南來會

烏蘇里江一名烏子江又呼戊子江源出錫赫特
山在甯古塔城東一千餘里琿春城南卽渤海東
京龍原府元和羅噶路地也山起琿春東南海濱

蜿蜒數千里至混同江入海處止凡山東入海之

水山西入烏蘇里混同二江之水皆自此山發之

實一大分水嶺也烏蘇里江自其山西北流西受

法納圖河即法勒圖也源出江西南無名小山東受福金河亦曰福

自錫赫特山兩泉歧發又西北逕能圖山東受能

圖河河出東南窩集中三泉奇發西北流又北而

西東受努喀密河今日嫩屯河嫩屯能圖一聲之

反湮矣河出東南窩集分兩源西北又西逕瑚葉

流逕密瞻山南麓西入烏蘇里江

昂阿北瑚葉河東合小水一自南注焉瑚葉一作

葉路也河出大山松林中西北流東受一水亦曰

瑚葉河蓋本支流或書作呼雅分爲二河非也西

入烏蘇里江其水口曰瑚葉昂阿昂阿口也 又折而北逕勒富特勒庫

山東瑚爾穆河自東注焉河出大山松林中合四源西北流逕密嶺山瑚

爾穆山之閒西北入烏蘇里江又北西受伊魯河河出伊魯山又北東

受噶爾瑪河河出噶爾瑪山西北流逕穆克穆里山西入烏蘇里江又西而

北興凱湖東流之松阿察河自東南來入之

興凱湖一曰新開湖周八百里與洞庭埒而冬

夏不涸尤爲可觀蓋來源之遠大不及洞庭而

出口細小較洞庭尤有含蓄也其西沿適中之

地爲俄鎮之紅土崖由紅土崖正南循鐵繞道

二百二十九里弱爲雙城子正北偏西爲蜂密

山西北行七百里至三姓正西行四百里抵甯
古塔卽明一統志之鏡泊北有小湖曰達巴庫
與此湖潮汐通焉環湖之水東則半泡子河南
則雷風橫道二河西則毛爾畢南全河北全河
網房子河夕陽河烏札庫河白梭河俱匯於此
湖東北出口之水卽爲松阿察河亦字界牌在
焉中俄於此分界河外爲俄界河內爲龍王廟
甯古塔屬地也水流一綫曲折萬千輪船入湖
道必由此東北流三百餘里注於烏蘇里江

烏蘇里江又北東溢爲金銀泡又北西受小穆梭

河出蘇爾得山

又北逕春柏勒庫流醴爲二又北復合

又北東受庫爾布新河又北東受呢滿河

二河並出東北

山

又東北大穆棱河自西南來注之

大穆棱河一曰莫力河源出穆棱窩集三源奇

發東北流受西南來一水曰柳芽河次東北受

西來一水次東北受東南來之三音畢拉罕河

又北長嶺子河合廟兒嶺河自西北來注

長嶺子河

一曰黑王嶺河

次東北逕紅廟兒嶺南受一小水次東

北逕三站西西受一小水次東北亮子河南合

一小水自東注焉

亮子河卽達爾瑚河也

次東北二道者

爺嶺河自西南來注次東北西受哈達河河自三姓

來次東北南受黃泥河河出黃窩集山次東北下亮子

河自南來郭奎河自北來交注之下亮子河出尖山郭奎河

自富克錦來次東北水曲柳河自南來注次東北北

受和圖河河自富克錦來又東北南受小水一次東北

受拉字界口河次東北太平稽子河合斐底河

自西北來注之斐底河來自富克錦又東北北受石頭河

河自富克錦來又東逕蘭爾得山巴蘭窩集河自西來

入之河一日半拉窩集巴蘭之音轉也出城東黑背子山又東北入烏蘇

里江北岸界富克錦

烏蘇里江既受大穆稜河入富克錦城界又東北

奇虎林河自西來注之

河出奇虎林山東南流錯入甯古塔折東北復入三

姓又東北入

烏蘇里江又東北錫布克里河自西來注之

出河

安巴依

力克山又東北東受愛心泡及西北湖二水又東

北西受阿布欽河

河出西芬嶺山

又東北東受雞心小清

二河又東北諾羅河自西來注之

諾羅河一名撓力河出自富克錦界之老嶺兩

源共合東北流受南來之喀穆圖河今日哈瑪

通河

源出七虎林山在富克錦城南三百三十里入撓力河

次東北受佛

倫窩集北麓之水又東北受西來之依瓦魯河

源出阿爾哈山至富克錦城又東北有博親河

東南二百五十里入撓力河

自南來注之博親或曰波親今日寶清與圖作

傳親誤也源出佛倫山至富克錦城東南二百八十里入撓力河

又東北

有大齊勒欽河合威罕珠河自西來注之又東

北有小齊勒欽河自南來注之

大齊勒欽河源出佛倫山在富

克錦城東南二百八十里入撓力河小齊勒欽

河源出阿爾哈山至富克錦城東南二百二十

里入撓力河齊勒欽即古之錫拉忻路一統與

圖作西拉布西錫音同布則字之誤也今正之

威哈珠河出自西南窩集東北流經鄂爾和拉

山南東流入錫拉河同注諾羅河又東有大佳

奇河小佳奇河自南來注之

大佳奇河源出安巴依克特力山至

富克錦城東南二百三十里入撓力河小佳奇
河亦出安巴依克特力山至富克錦城東南二
百七十里入撓力河諸羅河受諸水總成一川東北流經
諾羅噶珊北東入烏蘇里江

烏蘇里江又東北東受大清朱克德奇罕爾燕窩

敖翁萬達六河

諸河並出江東窩集中

又東北畢拉彥河自

西來注之

畢拉彥亦作畢蘭音出自和爾喀卡蘭山合兩源東注烏蘇里江

又東

北東受畢歆新開阿滿三河

河並出江東窩集中

又東北西

分一支流入混同江

舊目此河為蒐里其入江處在庫琳烏珠屯北經流

又東而北東受牯牛青牛七里空三河其地為俄

鎮伯利地方即唐之勃利州也西南去三姓城一

千六百餘里江自東南海岸錫赫特山發源畢會
西北之水至此凡二千三百餘里矣

混同江旣會烏蘇里江水勢愈盛北流有庫魯河自
西北來注之

庫魯河源出庫魯窩集合兩源受北來一水東南
流七百餘里逕萬達山西麓東南入混同江

又東北有敦敦河自東南注之

敦敦河源出整整窩集亦曰明噶里窩集自東合
五水西北流五百餘里入於混同江

又北有博敦河自東來注之有布庫河自西來注之

博敦河出自東海岸窩集中合三源西流二百里
許注混同江

布庫河出自萬達山北麓合兩源東北流入混同
江與博敦河東西相直水口如十字

又北有畢喀里河又北有查克蒐爾河皆自東南來
注之

畢喀里河源出莊謫窩集西北流入混同江

查克蒐爾河亦出莊謫窩集西北流入混同江

又北有克齊河自西來注之

克齊河北有池曰富達里塔爾噶其東北曰墨勒

奇塔爾噶其東南在混同江之東者曰和縣塔爾噶皆左右夾注於混同江

又北對罕河自西來注之

對罕河亦曰兌根河源出西北山東南流逕墨勒奇塔爾噶池北入混同江

又北有畢勒圖河自東南來注之

畢勒圖河源出自東南山中合兩源西北流百餘里經巴哈里噶珊北和里噶珊南注於混同江

又北有格楞河自西南千里來注之

格楞河源出格楞窩集在奇穆尼河源北三百里

有二源北源東南流數十里受西來一水又東南
九十里而南源東北流百餘里至此合焉又東北
百里許受西南來一水又東受西北來一水又東
北屈東流有多索密河自西北來入之河出西北卓奇里山
合三水東南流三百餘里注格楞河又東南三百里潯爲克音湖出
湖北流百餘里入混同江

又北有庫勒古河自西北來注之

庫勒古河出自西北松林中東南流二百餘里入
混同江

又東北有優克特河自東南來注之

優克特河自東南山中西北流三百里許入混同江

又東北哈爾吉河自東南來注之

哈爾吉河出自東南山西北流二百餘里入混同江

又北喜拉遜河自東南來注之

喜拉遜河源出東海岸大山合二源西北流四百里許逕克圖哈噶珊南入混同江

又東北有綽羅河都林河自西來注之齊克都哈河延塔哈河自東南並注之

綽羅河出自賓古塔東北三千餘里松林中東流
二百里許入混同江

都林河亦出松林中東流百餘里入混同江

齊克都哈河亦出自松林中合兩源東南流二百
餘里入混同江

延塔哈河出自東北無名小山西北流百里許入
混同江

又東北折正北有札依湖奇集泊自東南匯眾水來
注之

札依湖赫哲謂之札依侯溫侯溫湖也距烏蘇里

江口一千五百三十餘里混同江至此折向正北
湖居其東岸之南可二十餘里其北七十里卽奇
吉泊亦曰奇吉侯溫徑約六七十里東踰山嶺二
十餘里卽庫葉海峽矣奇吉泊在混同江東南數
十里上源四西曰瑚依里河自南來會少東曰道
萬河自南流百里許來會次東曰錫拉希布河自
東南合兩源行二百里西北流來會又東南曰諾
穆登特河自東南合兩源西北流三百餘里來會
瀦爲泊自西北出流入混同江

又東北得鄂提河又北得一水又北得岳敏河並自

東南來注之

鄂提河自東南山中西北流百餘里入混同江其北有池曰端塔爾噶

岳敏河亦自東南來西北流百里許瀦爲湖西入混同江

又東北畢瞻河自西北來奎瑪阿塔爾噶池水自東南來並注之

畢瞻河源出甯古塔城東北一千五百餘里之穆里罕山合四水東流六百餘里逕色梭蘇大山南入混同江

奎瑪阿塔爾噶池水自東來西北流百餘里瀦爲池自西北出入混同江

又東北有圖纏河次東北有梅庫河次東北有福達哈河自西北來有錫雅哩河自東南來次東北有瑪哈勒多河次東北有赫勒爾河自東南來並注之

圖纏河自西北松林中東流二百里許入混同江
梅庫河自西北松林東南流二百餘里入混同江
福達哈河自西北松林曲折東南流百餘里入混同江其東岸卽錫雅里河

錫雅里河來自東南山西北流百里許入混同江

瑪哈勒多河自東南山西北流百餘里入混同江
赫勒爾河西北流數十里入混同江

又東北發提音河又東北森奇勒河奇音河並自東
南來注之

法提音河源自東海西岸大山西北流百餘里入
混同江

森奇勒河

奇音河亦自海岸大山西北流數十里入混同江
又東北阿里奇河自東南來注之

阿里齊河源出自海岸大山西北流二百里許逕

穆和勒噶珊北西入混同江

又東北有亨滾河合數大水自西北來注之

亨滾河或曰恆滾或曰興滾一曰亨庚源出揚山

其北卽外興安嶺南麓嶺北卽康熙中與鄂羅斯

分界處也河出揚山之東隔嶺東麓曰亨滾尼河

源東流二百餘里合北來一水東南流百數十里

而合有哈達烏呼河自南來入之

河出尼滿河源之北中隔大嶺

自嶺北麓北流有西來二水合爲一東注之次北

又一水自西來注之又北三百餘里注興滾河

又東南流有額彌勒河自西北來注之

河一作厄彌勒盛

京通志別出之以爲二水非也源出甯羣聖神山南流百餘里有亨庚窩集之水合二水自西北來

合爲一東南流百餘里入興滾河又東南流有魯

亨庚窩集水

與滾河之別流也

庫河

察河

薩穆尼河

揚古

達拉哈河

爾布山

自南來左右交注之又東

南流經集達特噶城之東南注混同江源流幾二
千里

又東北有噶穆河自北來注之

噶穆河源出外興安嶺之南麓東南流二千餘里

經集達特喀城之北東注混同江

又東北有巴爾喀河自東南來喀圖密河自西北來
結爲伊斯庫魯泊水出其東南口西北流來並注之

巴爾喀河出自海岸大山西麓西流百里許逕塔克提音噶珊之西而北注混同江

額圖密河源出甯聶里神山東南流受北來一水又東南受西來一水合而東瀦爲伊斯庫魯淀自其東南口東注混同江

又東北有鄂達哩勒河又東北有克齊河均自東南來齊林吉河自西北並注之

鄂達哩勒河亦出海岸山西北流入混同江其北岸卽額圖密河

克齊河亦出海岸山北流逕阿拉哈噶珊西西注

混同江其對岸卽齊林吉河

齊林吉河自伊斯庫魯淀北東南流入混同江

又東北有岳米河次東北有里齊河次東北又有里齊河次東北有法特哈河並自西北來注之

四水皆出自西北松林中各東南流百餘里入於混同江

又東北逕提陽阿山西南瓦金噶珊之北爲入海初口又東北逕札哈達噶珊之南受西北來之堪丹河同入於海

堪丹河出自魯穆喀爾峯兩源歧發南流百餘里

總成一川東南流逕達布哈鄂佛羅之南入混同
江同入於海混同江北岸爲俄鎮廟爾距烏蘇里
江口二千二百七十餘里凡外興安嶺以南長白
山以北諸水俱匯於此由此向東偏南行百餘里
卽出海口口內有天然八島立島上可望見庫葉
島高山廟爾之北卽入海之甯涅河矣